

### **Bahagian 3:**

#### **Pemain Pasaran** **Niaga Hadapan –** **Hedgers dan** **Spekulator.**

*Ini adalah bahagian ketiga siri artikel tentang perdagangan niaga hadapan, dibawa khas kepada anda oleh Bursa Malaysia Derivatives Berhad (BMD) dan OSK Investment Bank Berhad sempena kempen BMD 'Perbualan Niaga Hadapan' untuk mewujudkan kesedaran dan mendidik pelabur tentang dagangan derivatif.*

Pada bahagian lepas, kita menerang tentang cara niaga hadapan berfungsi. Bahagian ini menjelaskan dua pihak utama dalam niaga hadapan iaitu Hedgers dan Spekulator.

Hedgers adalah pihak terdiri daripada petani, pengilang, pengimport dan pengeksport yang ingin menetapkan harga komoditi pada masa hadapan untuk melindungi daripada harga komoditi yang tidak menentu. Dalam erti lain, hedgers menggunakan kontrak niaga hadapan untuk melindungi diri daripada risiko pergerakan harga.

Contohnya, pada bulan Jun, pengeluar minyak kelapa sawit menjangka akan menuai sekurang-kurangnya 25,000 tan minyak kelapa sawit pada bulan September. Katakan bahawa Kontrak Niaga Hadapan Minyak Kelapa Sawit September adalah RM3,500 setiap tan metrik. Dengan menjual kontrak tersebut, pengeluar tersebut dapat menetapkan harga minyak kelapa sawitnya dan di samping itu mengelakkan kemungkinan harga kelapa minyak sawit daripada menurun pada bulan September. Walaupun harga minyak kelapa sawit menurun pada bulan September kelak, pengeluar tersebut telah menetapkan harga pada RM3,500 melalui niaga hadapan minyak kelapa sawit.

Contoh lain: katakan Syarikat JL mengetahui bahawa dalam tempoh enam (6) bulan, syarikat tersebut memerlukan 5,000 auns logam mentah tertentu untuk memenuhi keperluan. Katakan harga logam perak adalah \$39.5 setiap auns pada bulan Jun dan harga niaga hadapan bagi Oktober adalah \$40.0 setiap auns. Dengan membeli kontrak niaga hadapan, Syarikat JL dapat menjamin harga \$40.0

setiap auns untuk merendahkan risiko. Jika harga logam perak meningkat kepada harga \$60.0, syarikat tersebut boleh menutup kontrak niaga hadapan tersebut dengan membeli 5,000 auns logam perak dalam tempoh enam bulan pada harga \$40.0 setiap auns.

Sementara itu, Spekulator pula adalah bertentangan dengan Hedgers. Hedgers menggunakan niaga hadapan untuk mengurangkan risiko, Spekulator pula menggunakan niaga hadapan untuk mendapat manfaat/peluang daripada risiko. Spekulator adalah individu yang memilih untuk memperolehi keuntungan daripada risiko yang cuba dielak oleh Hedgers.

Risiko yang lebih tinggi mendatangkan pulangan yang lebih tinggi, Spekulator menikmati turun naik dalam niaga hadapan kerana ia membawa pulangan yang lumayan. Oleh sedemikian, Spekulator tidak berminat untuk memiliki aset yang mendasari kontrak niaga hadapan tersebut. Sebaliknya, Spekulator akan memasuki pasaran untuk menjana keuntungan dengan mengimbangi kedudukan dalam kontrak tersebut (membeli apa yang dijual, menjual apa yang

dibeli) selepas mendapat manfaat daripada kenaikan dan kejatuhan harga.

Spekulator terdiri daripada pelbagai golongan. Kesemuanya mempunyai cara dagangan yang berbeza dan gaya tersendiri. Spekulator kemungkinan adalah ahli pusat perdagangan ataupun individu yang pakar dalam komoditi tertentu.

Contohnya, Joy adalah pakar dalam niaga hadapan emas dan beliau hanya berdagang dalam komoditi tersebut.

Di samping itu, terdapat juga individu yang membeli atau menjual kontrak pada perbezaan harga yang minima. Golongan ini dipanggil sebagai *scalpers* dan mereka sangat aktif dalam pasaran dengan harapan untuk mendapat keuntungan melalui turun naik harga.

Terdapat juga kumpulan yang membeli dan menjual kontrak sepanjang hari dan menutup kedudukan mereka sebelum sesi berakhir. Selain itu, sesetengah kumpulan pula akan memegang kedudukan mereka selama beberapa hari, minggu ataupun bulan.

Ia adalah jelas bahawa terdapat Spekulator yang berbeza yang mewujudkan

ciri-ciri tersendiri. Sememangnya tiada pendekatan yang lebih efektif ataupun cara yang salah. Semua pendekatan adalah unik bagi setiap spekulator. Jika seseorang selesai dengan cara tertentu, ianya akan mendatangkan kesan yang positif. Sebaliknya, cara yang sama berkemungkinan tidak seefektif kepada orang lain.

Dalam bahagian 4, kita akan meneroka kelebihan niaga hadapan dan juga cara-cara untuk memulakan niaga hadapan.

#### Penidakan :

Artikel ini ditulis/disediakan oleh OSK Investment Bank Berhad dan ianya adalah untuk maklumat umum sahaja. Matlumat yang terkandung di sini bukanlah merupakan nasihat/cadangan undang-undang, kewangan, transaksi pelaburan dan/atau (mahupun) sebagai satu nasihat/cadangan pelaburan dan ianya tidak memberi sebarang cadangan atau sokongan terhadap perkhidmatan yang dinyatakan di sini. Pihak pembaca adalah dinasihatkan untuk mendapatkan pendapat yang berasingan sebelum membuat sebarang transaksi pelaburan, penyenaraian dan/atau pelaburan. Walaupun segala langkah telah diambil untuk memastikan ketepatan maklumat yang terkandung di dalam artikel ini, OSK Investment Bank Berhad dan/atau (mahupun) Bursa Malaysia Berhad tidak menjamin atau mewakili, samada secara nyata mahupun tersirat ke atas ketepatan atau kesempurnaan segala maklumat yang terkandung di sini dan tiada dalam apa keadaan pun Bursa Malaysia Berhad dan/atau OSK Investment Bank Berhad akan bertanggungjawab kepada pembaca mahupun sesiapa diatas sebarang tuntutan, walaubagaimana berbangkit, daripada atau berhubung dengan

artikel ini. Semua undang-undang terpakai, peraturan-peraturan dan kaedah-kaedah semasa Bursa Malaysia Berhad mestilah digunakan bersama-sama dengan artikel ini."